

宣宗皇帝聖旨加倍追陪完日仍行巡按監察御史將府州縣
經該僉書官吏提問發問刑衙門仍查照南京戶部所奏
應發充軍者照例發附近衛所充軍應枷號者於戶部并
南京戶部門首照例枷號三箇月滿日釋放其侵欺拈換
及包攬并違限等項人犯俱亦照南京戶部提奏事理問
斷具題次日奉

聖旨是

運糧不計將好米糶買揀和

成化十八年閏八月二十九日戶部等衙門尚書等官翁
等題為公務事該總督漕運總兵官赴京及巡撫南北
直隸兵部尚書兼左副都御史王 等各將應議事件開
奏抄出到部今將本部成化十九年積運糧儲合行事宜
并各官所言事件會同各部都察院太子太保兼吏部尚
書尹 等逐一議擬開立前件節該奉

聖旨是都准擬行欽此

計開

一積運糧米務要照依原兌樣米乾圓潔淨每石照例
兌運加耗八升支運一斗一平上倉若官軍人等將原
兌好米沿途糶賣却糶陳浥窳耗及揀和沙土草糠窳
米等項抵數者收糧官員辯驗得出就呈管糧內外總

督官將原運軍旗先送刑部指揮等官參

奏送問該部查照侵盜錢糧事例問擬仍將本犯押回本部
送倉易換好米上倉

前件准擬照舊行

一漕運官軍俱令過江各府州縣水次領運

一官田糧每石減耗二三斗民田糧每畝勸出米升數
有差

成化十九年二月十七日戶部等衙門太子少保戶部尚
書等官余等題為公務事雲南清吏司案呈照得成化
二十年漕運糧儲合行事宜例該今年會議施行見該漕
運總兵等官赴京及該巡撫南直隸兵部尚書兼都察院
右副都御史王恕官等各將地方應議事件開奏抄送到
部會同各部都察院太子少保吏部尚書等官戶吳等逐

一議擬開立前件具題奉

聖旨是王煥莊等處者勘築城堡宣府各城舍人精壯的照例
開糧其與准擬欽此

計開

一江南蘇松常鎮四府秋糧民運至瓜州水次兌與
江北各衛官軍領運者每石例該加耗四斗淮安
水次兌運者加耗三斗五升先年奏

准官軍過江就在各府縣水次兌領每石一例加耗六斗五升
民多出加耗得兌船運之勞軍雖過江領運却獲
加增之益實為兩便成化十七年漕運衙門奏

准仍令運至瓜州交兌去年十一月又准漕運衙門手本并咨
執旗軍王歪兒蔣又等告願過江兌運已經行令
蘇常鎮三府將原派瓜淮水次糧米二十八萬八